

列仙傳卷下

漢光祿大夫劉向撰

赤須子

赤須子豐人也豐中傳世見之云秦穆公時
主魚吏也數道豐界災害水旱十不失一臣
下歸向迎而師之從受業問所長好食松實
天門冬石脂齒落更生髮墮再出服霞絕後
遂去吳山下十餘年莫知所之

赤須去豐

朽貌再鮮

顧問小智

東方朔

東方朔者平原厭次人也久在吳中為書師
數十年武帝時上書說便宜拜為郎至昭帝
時時人或謂聖人或謂凡人作深淺顯默之
行或忠言或虧語莫知其旨至宣帝初棄郎
以避亂世置憤官舍風飄之而去後見於會
稽青藤五湖智者疑其歲星精也

東方奇達

豈豫榮辱

高韻冲霄

不羈不束

沈跡五湖 騰影陽谷

鈎翼夫人

鈎翼夫人者齊人也姓趙少時好清淨病卧
六年右手拳屈飲食少望氣者云東北有貴
人氣推而得之召到晏色甚偉武帝披其手
得一玉鈎而手尋展遂率而生昭帝後武帝
害之殯尸不冷而香一月間後昭帝即位更
葬之棺內但有絲履故名其官曰鈎翼後避
諱以為弋廟閣有神祠閣在焉

婉婉弱媛

皇祚惟休

委身受戮

積子

積子者鄆人也少在黑山採松子夜茶餌而
服之且數百年時壯時老時好時醜時人乃
知其仙人也常過酤酒陽都家陽都女者市
中酤酒家女眉生而連耳細而長眾以為異
皆言此天人也會積子牽一黃犢來過都女
悅之遂留相奉侍都女隨積子出取桃李一
宿而返皆連堯甘美邑中隨伺逐之出門共

牽犢耳而走人不能追也且還復在市中數
十年乃去見潘山下冬賣桃李云

積子山棲

積子山棲

變白易形

乃控靈犢

騎龍鳴

騎龍鳴

騎龍鳴者渾亭人也年二十於池中求得龍
子狀如守宮者十餘頭養食結草廬而守之
龍長大稍稍而去後五十餘年水壞其廬而
去一旦騎龍來渾亭下語云馮伯昌孫也此
間人不去五百里必當死信者皆去不信者
以為妖至八月果水至死者萬計

騎鳴養龍

乘雲騎螭

洞鏡災祥

情眷不離

專至俟化

告以速移

主柱

主柱者不知何所人也與道士共上宕山言
此有丹砂可得數萬斤宕山長吏知而上山
封之砂流出飛如火乃聽柱取為邑令章君
明解砂三年得神砂飛雲服之五年能飛行

遂與柱俱去云

主柱同貌 道士精微 玄感通山

丹砂出穴 焚焚流丹 飄飄飛空

宿長悟之 終然同悅

圓客者濟陰人也姿貌好而性良邑人多以

女妻之客終不取常種五色香草積數十年

食其質一旦有五色蛾止其香樹末客收而

薦之以布生桑蠶焉至蠶時有好女夜至自

稱客妻道盤狀客與俱收盤得百二十頭蠶

皆如甕大纒一重六十日始盡訖則俱去莫

知所在故濟陽人世祠桑蠶設祠堂焉或云

陳留濟陽氏

美哉園客 頽擘朝華 仰吸玄精

俯掎五葩 緜緜芳卉 采采文蛾

淑女宵降 配德升遊

鹿皮公

鹿皮公者淄川人也少為府小吏木工舉手

能成器械岑山上有神泉人不能至也小吏

白府君請木工斤斧三十人作轉輪懸閣意

思橫生數十日梯道四閣成上其巔作相舍

留止其秀絕其二間以自固食芝草飲神泉

且七十年淄水來三下味宗族家室得六十

餘人今上山平水盡深一郡沒者萬計小吏

乃辭還宗家令下山看鹿皮衣邊去復上閣

後百餘年下賣藥於市

皮公與思 妙巧纏綿 飛閣懸起

上挹神泉 肅肅清廟 情情二間

可以閑處 可以永年

昌容

昌容者常山道人也自稱殷王子食蓬萊根

往來上下見之者二百餘年而顏色如二十

許人能致紫草賣與淨家得錢以遺其寡歷

世而然奉祠者萬計

殷女忘茶 曾無遺戀 怡我素顏

改華標清 心與化遠 日與氣鍊

坐卧青貨 惠及孤賤

豁父

豁父者南郡人也居山間有仙人常止其

家從買瓜教之鍊瓜子與桂附子並實共藏

而對分食之二十餘年能飛走昇山入水後

百餘年居絕山頂呼豁下父老與道平生特

事云

豁父何欲 欲在幽谷 下臨清澗

上醫委辱 仙客舍之 導以秘蘇

形絕埃壙 心在舊俗

山圖

山圖者隴西人也少好乘馬馬蹄之折脚山

中道人教令服地黃當歸羌活獨活苦參散

服之一歲而不嗜食病愈身輕追道人問之

自言五嶽使之名山採藥能隨吾使汝不死

山圖追隨之六十餘年一旦歸來行母服於

家聞者年復去莫知所之

山圖抱患 因毀致全 受氣使身

藥經命延 寫裏墳栢 天愛猶纏

數周高舉 永絕俗緣

谷春

谷春者樸陽人也成帝時為郎病死而屍不

冷家登喪行服猶不敢下釘三年更著冠情

坐縣門上邑中人大驚家人迎之不肯隨歸

於棺有衣無屍留門上三宿去之長安止橫
門上人知追迎之復去之太白山立祠於山
上時來至其祠中止宿焉

谷春既死 停屍猶溫 棺圍五稔
端委於門 顛視空棺 形迹衣存

留執太白 納氣玄根
陰生

陰生者長安中渭橋下乞兒也常止於市中
乞市人厭苦以糞灑之旋復在里中夜不見
汚如故長吏知之械收繫著桎梏而續在市
中乞又械欲殺之乃去灑者之家室自壞殺
十餘人故長安中諺曰見乞兒與美酒以免
破屋之咎

陰生乞兒 人厭其蹟 識真者稀
累見因辱 誰陰忘吝 况我仙屬
惡肆殃及 自災其屋

毛女者字玉妻在華陰山中獵師世世見之
形體生毛自言秦始皇宮人也秦壞流亡入
山避難遇道士谷春教食松葉遂不饑寒身

輕如飛百七十餘年所止巖中有鼓琴聲云
枕樂玉妻 與時迺遠 真人授方
餐松秀實 因敗獲成 延命深吉
得意巖岫 寄歡琴瑟

子英

子英者舒鄉人也善入水捕魚得赤鯉愛其
色好持歸著池中數以米穀食之一年長丈
餘遂生角有翅翼子英怪異拜謝之魚言我
來迎汝汝上背與汝俱昇天即大雨子英上
其魚背騰昇而去歲歲來歸故舍食飲見妻
子魚復來迎之如此七十年故吳中門戶皆
作神魚遂立于英祠

子英樂水 游捕為職 靈鱗來赴
有降厥色 養之長之 提角傳翼
遂駕雲螭 起步太極

服閣

服閣者不知何所人也常止宮往來海邊諸
祠中有三仙人於祠中博賭瓜瓠間令擲黃
白丸數十顆教令瞋目及覺乃在方丈山在
蓬萊山南後往來宮取方丈山上珍寶珠玉

賣之久矣一旦髡頭着赭衣貌更老人問之
言坐取廟中物云後數年貌更壯好鬚髮如
往日時矣

服閣游祠 三仙是使 假寐須臾
忽起千里 納寶毀形 未足多恥

攀龍附鳳 逍遙終始
文賓

文賓者太丘鄉人也賣草履為業數取嫗數
十年輒棄之後時故嫗壽老年九十餘續見
賓年更壯他時嫗拜賓涕泣賓謝曰不宜至
正月朝僮能會鄉亭西社中邪嫗老夜從兒
孫行十餘里坐社中待之須臾賓到大驚汝
好道邪知汝爾前不去汝也教令服菊花地
膚桑上寄生松子取以益氣嫗亦更壯復百
餘年見云

文賓養生 納氣玄虛 松菊代御
鍊質解膚 故妻好道 拜泣踟躕
引過杏街 延齡百餘

商丘子胥

商丘子胥者高邑人也好牧豕吹竽年七十

不娶婦而不老邑人多奇之從受道問其要
言但食木菖蒲根飲水不饑不老如此傳世
見之三百餘年貴戚富室聞之取而服之不
能終歲輒止慙慢矣謂將復有匿術也

商丘幽棲 謠橫妙術 渴飲寒泉

饑茹蒲木 吹竽牧豕 卓犖奇出

道足無求 樂茲永日

子主

子主者楚語而細音不知何所人也詣江都
王自言寧先生顧我作客三百年不得作直
以為狂人也問先生所在云在龍眉山上工
遣吏將上龍眉山巔見寧先生毛身廣耳被
髮鼓琴主見之叩頭吏致王命先生曰此主
吾比合九世孫且念汝家富有暴死女子三
人勿預吾事語竟大風發吏走下山北歸宮

中相殺三人王遣三牲立祠焉

子主挺年 理有所資 竊主祠秀

拊琴龍眉 以道相符 當與訟微

匡事竭力 問昭我師

陶安公

陶安公者六安鑄冶師也數行火火一旦散
上行紫色衝天安公伏治下求哀須臾朱省
止治上曰安公安公治與天通七月七日迎
汝以赤龍至期赤龍到大雨而安公騎之東
南上一城邑數萬人眾共送視之皆與辭決
云

安公縱火 紫炎洞照 翩翩朱雀

銜信告時 奕奕朱虬 蛟然赴期

傾城仰觀 迴首顧辭

赤斧

赤斧者巴戎人也為碧雞祠主簿能作水瀕
鍊丹與硝石服之三十年反如童子毛髮生
皆赤後數十年上華山取萬餘種餌賣之於
蒼梧湘江間累世傳見之手掌中有赤斧焉

赤斧願真 發秀戎巴 寓跡神祠

頌鍊丹砂 髮雖朱黹 顏暉丹葩

采藥靈山 觀化南遊

呼子先

呼子先者漢中關下下師也老壽百餘歲臨
去呼酒家老姬曰急裝當與姬共應中陵王

夜有仙人持二茅狗來至呼子先子先持一
與酒家姬得而騎之乃龍也上華陰山常於
山上大呼言子先酒家母在此云

三靈潛感 應若符契 方駕茅狗

蛟爾龍遊 參登大華 自稱應世

嘉君不端 會之有惠

負局先生

負局先生者不知何許人也語似燕代間人
常負磨鏡局徇吳市中街磨鏡一錢因磨之
輒問主人得無有疾苦者輒出紫丸藥以與
之得者莫不愈如此數十年後大疫病家至
戶到與藥活者萬計不取一錢其人乃知其
真人也後主吳山絕崖頭懸藥下與人將欲
去時語下人曰吾還蓬萊山為汝曹下神水
崖頭一旦有水白色流從石間來下服之多
愈疾立祠十餘處

負局神端 披褐含秀 術兼和鶴

心託宇宙 引彼萊泉 灌此絕岫

欲返蓬山 以齊天壽

朱璜

朱璜者慶陵人也少病毒癩就隄山上道士
阮丘立憐之言卿除腹中三屍有真人之業
可度教也璜曰病愈當為君作客三十年不
敢自還立與璜七物藥日服九九百日病下
如肝脾者數斗養之數十日肥健心意日更
開朗與老君黃庭經今日讀三過通之能思
其意立遂與璜俱入浮陽山玉女祠且八十
年復見故處白髮盡黑鬢更長三尺餘過
食止數年復去如此至武帝末故在焉

朱璜癩癩 福祚相迎 真人授藥

三屍俱靈 心虛神瑩 騰贊幽冥

毛賴髮黑 超然長生

黃阮立

黃阮立者隄山上道士也衣裘被髮耳長七
寸口中無齒日行四百里於山上種葱薤百
餘年人不知也時下賣藥朱璜發明之乃知
其年人也地動山崩道絕預戒下人世共奉
祠之

慈鵠巖嶺 實獲若人 被裘散髮
輕步絕倫 含道養生 妙觀通神

發驗朱璜 告徧下民

女九

女九者陳市上沽酒婦人也作酒常美過仙
人過其家飲酒以素書五卷為賞九開視其
書乃養生交接之術九私寫其文要更設房
室納諸年少飲美酒與止宿行文書之法如
此三十年顏色更如二十時仙人數歲後來
過笑謂九曰盜道無私有翅不飛遂棄家追
仙人去莫知所之云

玄素有要 近取諸身 彭聃得之

五卷以陳 女九益妙 仙客來臻

傾書開引 雙飛絕塵

陵陽子明

陵陽子明者鉅鄉人也好釣魚於旋溪釣得
白龍子明懼解鈎拜而放之後得白魚腹中
有書教子明服食之法子明遂上黃山採五
石脂沸水而服之三年龍來迎去止陵陽山
上百餘年山去地千餘丈大呼下人今上山
半告言豁中子安當來問子明釣車在否後
二十餘年子安死人取葬石山下有黃鶴來

樓其塚邊樹上嗚呼子安云

陵陽垂釣 白龍銜鈎 絲獲瑞魚

靈迷是修 五石澆水 騰山乘虬

子安果沒 鳴鶴何求

邠子

邠子者自言蜀人也好放犬子時有犬走入
山穴邠子隨入十餘宿行度數百山上出山
頭上有臺殿官府青松樹森然仙吏侍衛甚
嚴見故婦主洗魚與邠子符一函并藥使便
還與成都令喬君為君發函有魚子也著池
中養之一年皆為龍形復送符還山上犬色
更赤有長翰常隨邠子往來百餘年遂留止
山上時下來護其宗族蜀人立祠於穴口常
有鼓吹傳呼聲西南數千里共奉祠焉

邠子奉犬 宥入山穴 館閣裁裁

青松列列 受符傳藥 往來交結

逐樓靈本 音響昭徹

木羽

木羽者鉅鹿南和平鄉人也母貧賤主助產
嘗探產婦兒生便開目視母大笑其母大怖

夜夢見大冠赤幘者守兒言此司命君也當報汝恩使汝子木羽得仙母陰信識之母後生兒字之為木羽所探兒生年十五夜有車馬來迎去遂過母家呼木羽木羽為御來遂俱去後二十餘年鶴雀旦銜二尺魚著母戶上母匿不道而嘗其魚三十年乃沒去母至百年乃終

司命提靈 產母震驚 乃要報了
契定未成 道足三五 輕騎宵迎
終然報德 久乃遐齡

玄俗

玄俗者自言河間人也餌巴豆賣藥都市七九一錢治百病河間王病瘕買藥服之下蛇十餘頭問藥意俗云王瘕乃六世餘殃下墮即非王所招也王常放乳鹿麟母也仁心感天故當遭俗耳王家舍人自言父世見俗俗形無影王乃呼俗日中看實無影王欲以女配之俗夜亡去後人見於常山下
質虛影滅 時惟玄俗 布德神丸
乃寄鹿贖 道發河間 親寵方渥

騰龍不制 超然絕足

讚曰易稱太極是生兩儀兩儀生然後有人民有人民然後有生死死之義著明矣蓋萬物施張渾爾而就亦無所不備焉神矣妙矣精矣微矣其事不可得一論也聖人仰則觀象於天俯則觀法於地日月運行四時分治五星受制於太微監無道之國吉凶預見以戒土者動靜言語應效相通有自來矣天然雖不言其變化云為不可謂之無也周書序泰螭問消子曰有死亡而復云有神仙者事兩成邪消子曰言固可兩有耳孝經授神契言不過天地造靈洞虛獨立五嶽設三台陽精主外陰精主內精氣上下經緯人物道治非一若夫草木皆春生秋落必矣而木有松柏極極之倫百八十餘種草有芝英萍實靈泥黃精白符竹髮戒火長生不死者萬數盛冬之時經霜歷雪蔚而不彫見斯其類也何怪於有仙邪余嘗得秦大夫阮舍撰仙圖自六代迄今有七百餘人始皇好遊仙之事庶幾有獲故方士霧集祈祀彌布殆必因

迹託虛寄空為實不可信用也若周公黃錄記太白下為王公然歲星變為壽壽公等所見非一家聖人所以不關其事者以其無常然雖有時著蓋道不可棄距而閉之尚貞正也而論語云怪力亂神其微言可知矣

列仙傳卷下